



Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 18. Motus contra Jansenii libri editionem Romæ excitati.

[urn:nbn:de:hbz:466:1-67406](https://nbn-resolving.de/urn:nbn:de:hbz:466:1-67406)

Sæc. XVII. priusquam ipse senio confectus migra-
A.C. 1641. ret e vivis. Tergiversabantur adhuc
Barberini; donec tandem Pontificii mi-
litæ capto Caraffa, Doria, aliisque
pluribus magni nominis Tribunis prope
Ferrariam a Venetis cæsi, fugatique
fuissent: Tum vero pace inita, & re-
stituto Castro, creditoribus ex Odoardi
bonis satisfieri curarunt, Rex etiam
Galliae pro Odoardo deprecabator, &
Cardinalis Bicchius foederatos Princi-
pes Barberinis conciliabat, propositis
concordiæ legibus, quæ a singulis si-
gnatae die prima Maij anno Domini
millesimo sexcentesimo quadragesimo
quarto inter Missarum solemnia in Ba-
silica ad S. Marcum palam promulgatae
fuerunt. Ita demum hoc Ecclesiæ bel-
lum finitum est, quod majori tumultu,
quam successu, potius ad populorum
vexationem, quam hostium perniciem,
rara clade, & victoriis ferme nullis,
ab ejusmodi hominibus, qui ad pacis
negotia aptiores fuerant, quam ad belli
opera, per integrum triennium fuerat
continuatum.

§. XVIII.

*Motus contra Jansenii libri editionem
Romæ excitati.*

*Abrege de
l'Hist. Eccl.
tom 3.
Leydeck. hist.
Jans. c. 2. I.*

Non minus acre, incruentum ta-
men, bellum in Romana Curia
move-

movebatur contra editionem libri, quem Sæc. XVII.
Jansenius sub nomine *Augustinus* con- A.C. 1641.
scripsit: Postquam enim Jesuitis inno-
tuerat, quod insuperhabita Molinista-
rum oppositione & Nuntii Bruxellensis
repugnantia, hic idem liber Lovanii a
Joanne Zegero Typographo fuerit ex-
cusus, eumque Henricus Calenus Bru-
xellensis Archipresbyter & Dupontius
librorum Censores approbasserent, insti-
gantibus Molinisticæ factionis fautoribus,
præcipue Petro Biverio, Ignatio Der-
kenni, & Joanne Iongio Jesuitis, Stra-
vius Apostolicus Nuntius Bruxellensis,
datis ad Barberinum Cardinalem lite-
ris exposuit, hac ratione violari Pauli V.
& Urbani VIII. decreta, quibus veti-
tum, ne circa gratiæ efficacis contro-
versiam quicquam absque Sedis Apo-
stolicæ licentia vulgaretur. Monitus
ab hoc Cardinale Pontifex, non sine
indignatione præcepit, ut hoc opus,
quantum fieri posset, supprimeretur.
Haud ægre id impetrari potuisset a Vi-
ris parere assuetis, nisi ipsa prohibitio-
ne, & præcipiti severitate, prout fieri
amat, impugnandi aviditas, & oppo-
sitæ partis æmulatio fuisse accensa;
mox enim, altera parte nondum audi-
ta, novam hæresin conflari, concionati-
bus in vulgus a Molinistis spargebatur,
errorum catalogi evulgabantur, & Jan-
Hist. Ecclesi. Tom. LX. O o senii

Sæc. XVII. senii doctrina cum Calviniana conspi-
A. C. 1641. rare, ante Sedis Apostolicæ discussio-
 nem & judicium jactabatur: præterea
 Lovanienses Jesuitæ Jansenii librum,
 publicis thesibus die vigesima secunda
 Martii propugnatis, insectati sunt, sic
 que scintillæ adhuc sub cineribus laten-
 tes in apertum incendium eruperunt,
 sparsis ubique libellis, quibus Jesuiticæ
 theses acriter impugnabantur: Vicem
 repensuri Jesuitæ, die prima Augusti
 ab Universali Inquisitione Romana de-
 cretum impetrarunt, quo Janseniani
 Augustini, nondum tamen perstricta ejus
 doctrina, necnon thesium, ceterorumque
 scriptorum ultra, citroque editorum
 lectio suit interdicta, non alio tanti
 strepitus emolumento, nisi quod irri-
 tata Eruditorum siti, Jansenii Augu-
 stinus Francofordiæ, Coloniæ, & postea
 Parisiis ac Rotomagi iterato prælo ex-
 cuderetur, nequicquam obsidente Fa-
 bio Gighio, aliisque. Adeo proclive
 est in vetitum curiosi hominis ingenium.

§. XIX.

Urbani VIII. Papæ Constitutio con-
tra Jansenii librum, aliaque
scripta.

Bull. Magn. Postquam vero Urbanus VIII. Ponti-
Urb. Conf. fex per eundem Gighium, necnon
 284.